



Suid-Afrikaanse Woonwa-Assosiasie
South African Caravan Association

Elandsstrand “Ext 2 Proper”

Waar, wat en wie ons is. Deur: Cherel van Onselen

As Elandsstrand “extension” twee vir julle vreemd klink, “imagine” hoe ons, onwetend daarby, gevoel het om uit te vind dat dit ons ou groupie is. Amper wou ons gaan rooi oorpakke koop en protesteer, maar besluit toe dis ‘n groot voorreg. Graag wil ons die naam reg kwoteer. Dit moet lees Elandsstrand “extention 2 proper.”



Stadig maar seker het ons groepie van twee Elander gesinne na ses gegroei. Ons het nie besef dat werwing van Elandsrandlede vir ons die gesogte titel laat kry nie. Lank het ons in die skadu geleef en nie geweet ons is sodanig “Extention” 2 nie. Onthou ons verkieς “Extention” 2 Proper!

Ons paadjie saam Sawa Elandsstrand het so bietjie meer as ‘n jaar en ‘n half terug begin. Ons was verras om te sien dat daar wel mense is wat bietjie maller, “louder” en stouter as ons is. Elandsstrand het vinnig deel van ons geword, en ons kon nie wag om te gaan kamp nie. Die kinders kon speel soos hulle nie by die huis kan speel nie, Pappa’s het “gesmile” want ons kon elke aand braai! Mamma’s rus, met ‘n glasie wyn en niemand kyk skeef as jy na lafenis gryp na (nege in dieoggend) nie.

Soms kom kyk die “Feeskomitee” of ons nog bestaan en knoop ‘n geselsie aan. In “Extention” 2 word lede met ope arms verwelkom. Die wat ons ken en al saam ons gekuier het, sal weet ons is ‘n diverse klompie mense. Ons het die stil en stummiges, die “loud” en vriendelikes, die knorriges, die molliges en die vol tjolleriges. By “Extention 2 proper” doen ons dinge soos net ons kan. Speletjies word gespeel, grappies word gemaak en soms pas ons die ander Elandsranders se karre op, maar onthou dis ‘n werkie wat jou dors maak!

Ons het ‘n paar reëls wat ek graag met julle deel:

- I. **Wees dankbaar!**
- II. “Issues” word by die hek gelos, as jy dit weer daar wil optel as jy huistoe gaan is jy welkom.
- III. Daar waar ons “park”, daar rus ons! “Unwind” dis hoekom ons kamp!
- IV. Braai is toelaatbaar, elke aand!

- V. “Breakfast” mag “Brunch” word, en brood is ook kos vir kinders.
- VI. Almal bring hout vir die kampvuur.
- VII. Vriende en “marshmallows” mag saam gaarword.
- VIII. Geniet die naweek, dis nie ‘n kompetisie nie!

Dit is nie moeilike reëls nie, ons kamp om dit te geniet. Ons werk nie ‘n program uit nie, en soms nie eers ‘n menu nie. Wat ons wel met julle kan deel is dat ons hou van kuier en al die nodige kuierbenodighede is ‘n moet vir elke kamp. Dit, wat jy op ‘n naweek klaarmaak word vervang en wat oorbly kan in die karavaan bly vir die volgende kamp.

Kamplewe beteken vir elke persoon iets anders, vir “Extention 2 proper” beteken kamp slegs vergeet van werk, spandeer tyd saam vriende en familie en gee die kinders die vryheid wat hulle nie in die stad het nie. En asseblief, geniet die kamp soos jy wil.

Dis hoe ‘n huwelik moet lyk, 51 jaar vir Oom & Tannie Bohnen!



Hendrik & Edith in 1966. (Fotos en berig bl. 1)

Dis hoe 'n huwelik lyk.

Oom Hendrik & Tannie Edith vier 51 jaar se trou. Deur Edith Bohnen.

Ek en Hendrik ken mekaar al van skooldae af. Ons was saam in Hoërskool Jim Fouche... en het gereeld skoolatletiek en gimnastiektoernooie meegemaak. Net na skool het ons met mekaar begin uitgaan. Hendrik was toe intussen verplaas Johannesburg toe en ek moes agterby. So het dit gebeur dat ons vir twee jaar 'n langafstand verhouding maak werk het, waar ons mekaar net een keer per maand kon sien.



Op 9 April 1966 trou ons in die NG kerk op Wilgehof in Bloemfontein. Dit was 'n groot gedoeente met driehonderd gaste vir ons onthaal, soos dit maar die gewoonte was in daardie jare, en daar van jou verwag was om natuurlik al jou familie uit te nooi na die brui-lof. Ons het 'n onvergeetlike wittebrood gehou in Hibberdene Natal. Daarna trek ons na 'n woonstel in Hillbrow. Moet nie so frons nie, in 1966 was dit die in plek vir jong mense, baie naglewe julle sien.

Ons het later in Tedstoneville Germiston ons eerste huis saam gekoop in 1968 en vier jaar later in 1972 koop ons huis in Verwoerdpark Alberton. Vandag 51 jaar later woon ons steeds in Alberton. Ons het twee wonderlike kinders Yolandi en Evert. Ons het drie dierbare kleinkinders Claudia, Douglas en Wian. Ek en Hendrik beskou onsself as baie geseënd om soveel jare saam te kon wees en vertrou dat ons nog baie geseënde jare saam sal hê.



Oom Hendrik & Tannie Edith op hul herdenking in April Foto verskaf deur: Edith Bohnen.

Binne hierdie uitgawe. Inside this issue.

"Elandsrand Ext 2 Proper"	Voorblad
"Dit is hoe 'n huwelik moet lyk"	
"Die Woord"	bl. 2
"Mnr die Voorsitter" Voorsittersverslag	bl. 3
"Willie wegsleep en Antonie saamsleep"	bl. 5
"Oom Leon vermoor 'n hond op De Deur"	
"Streek Meriete vir AJ & Vanessa"	
"Die Rieldans"	bl. 6
"Stinkberg Walaer"	bl. 7
"Hardebaard Kommandante Bohnen"	bl. 9
"Toekennings en aansporings vir Sionbergh 2017"	
"Wie sit agter Elandsrand se Bokkop?"	bl. 10
"Revamped Emblem for Elandsrand."	bl. 11
"Presidente 2017."	
"Lief en Leed..."	bl. 12 & 13
"120 Streek Saamtrekke vir Willa en Joranie..."	bl. 15
"Veelsgeluk Liewe Maatjie...!"	bl. 16
"Mieliepap muffins...! Saam met braaivleis!"	bl. 17
"# Funny Bunny Story."	
"Wat 'n oujaar..."	bl. 18
"Elandsrand Jaarprogram 2017"	bl. 19
"Redaksie."	bl. 20
"Elandsrand Mandjiedans"	bl. 21
"Wanted" Raai-raai.	bl. 22
"Advertensies."	bl. 23
"Ter Nagedagtenis / Lief & Leed Vervolg"	bl. 25
"Agterblad"	

Lets Keep It Simple

Facebook.com/WhatEveraWomanWants

**Respect my time
Match my effort
Keep your word
Always be honest
Stay consistent**



Vuivloere

Deur: Marietjie Schutte.

1 Johannes 1:9 As ons egter voor God erken dat ons foute gemaak het en nooit weer dieselfde foute wil maak nie, sal God van sy kant af heeltemal van ons sondes vergeet. Hy sal ons ook geestelik skoon was van alles waarvan Hy nie hou nie. Glo dit maar, want God bly getrou aan sy beloftes en hy doen wat reg is” (Bron: Geloof in aksie Bybel Uitgawe 1 2008)

Oor die naweek wat verby is, het ons bietjie besluit om te "spring clean". Die vuilgoed pak so vinnig aan op in die "grout" van jou teëls, en dit was toe sommer taak nommer een. Soos wat ek daar op my knieë sit en die vloere skrop, kom die volgende gedagte by my op:

"Is ons almal se lewens nie maar soos vuil vloere nie?"

Ons word daagliks gewas deur die woord van God, en dan gebeur dinge en dis asof die wêreld met sy modderskoene ons vloere kom vuiltrap en sy modderstreppe oral los. So kom God dan en was weer alles silverskoon.

Soms los ons die vloer so vuil en word dit dan daagliks vuiler, die modder en die vullis word al dieper ingetrap. Tot ons op 'n punt kom waar jy jou eie vloere nie meer herken nie en ons diep verlang na skoon vloere en na hoe blink ons eens op 'n tyd was. Dan val ons op ons knieë neer en vra God om ons te help en ons weer skoon te skrop.

Dit is nie altyd maklik nie. Party vlekke is taai, en dit voel of God jou met 'n staalborsel skrop. Nerf af, stukkend en rou, die tranen loop want dit is seer, maar uiteindelik is ons weer skoon!

Nou moet ons besluit, gaan ons die vloere skoon hou of toelaat dat die vuil spore weer ingetrap word? Wanneer ons nie die emmer vol hou, met 'n lap byderhand en op ons knieë gaan en gereeld skrop nie, gaan daar weer gemors oor ons vloer getrap word. Wanneer die vloer weer vuil word draai God die krane van genade oop en hy skrop ons weer silverskoon. So groot is ons Skepper se genade, hy ontsmet ons en was ons weer skoon met die water en skoonmaakmiddels wat vloeい uit sy woord.

Ons Bybel is ons onuitputlike bron van skoonmaakmiddels. Moenie hom eenkant gooi en die water toedraai nie. Hou die woord altyd byderhand en maak gereeld jou vloere skoon.

Mnr. Die Voorsitter ...

Voorsittersverslag April 2017 Deur: Cobus Smit

Die einde van April is in sig en ons kyk terug na die laaste drie kampe vanaf die vorige uitgawe en ek glo dat almal wat hierdie kampe bygewoon het saamstem dat dit lekker kampe was.

Februarie by Soetdoring het baie lede, dit "Stofdoring" genoem, maar toe sorg die reën vir 'n "Modderdoring." 'n Uitdaging om bv. die oord in te kom. 'n Klein groepie van 14 lede en 1 besoeker trek saam en kamp 'n hond uit 'n bos uit, met die reën wat kort-kort pla. Steeds het ons lekker saam speletjies gespeel en gebraai.

Langnaweek van Maart trek ons saam by Sionbergh, of te wel "Stinkberg" met 22 lede en 4 besoekers. Kampkommandante Alberts vermaak die kamp met "hoe goed ken jy jou lewensmaat" en Sondagaand ruk 'n groepie van die dames weer hand uit en ken weer geen einde nie.

Die Presidentekamp gedurende Paasnaweek by Klipdraai is nog vars in ons geheue en het 17 lede, oud Elandsranders Mike & Mariza Jennings en 3 besoekers lekker styf gestaan en tot laat-aand lekker om die kampvure gesit en kuier. Elandsrand maak Saterdagaand musiek en speel Bingo in die groot tent wat weer eens nie goed deur Dagbestuur en ander streke ondersteun was nie. Elandsrand het wel R860 oorbetal aan die Nasionale kas.

Ongelukkig was daar gedurende die laaste drie maande heelwat leed teenwoordig in die streek, by wyse van lede wat geliefdes aan die dood afgestaan het, siektes, werkafleggings, skade aan sleepvoertuie. Ek vra vir ons lede om asseblief hierdie mense in hulle gebede te hou.

Bestuur het Saterdag 1 April 'n baie lekker "mandjiedans" aangebied wat deur baie lede tesame met hulle families en vriende ondersteun is en wil ek ook baie dankie sê aan die lede wat nie daar kon gewees het nie, maar nog steeds vir die streek 'n bydra gelewer het by wyse van 'n donasie.

Dit gaan goed in die streek en gedurende die afgelope boekjaar het lede bedank. (Eugene & Ina Coetzee, Sam & Melinda asook Wessie & Alta Vd Westhuizen.) Drie nuwe lede het by ons aangesluit. (Jeandre Sammy, Kobus & René van Jaarsveld en Willie & Liezel Oosthuizen.) Daar is nog 'n paar besoekers wat binnekort by ons sal aansluit. Elandsrand staan tans op 50 ledetal en is dan ook die grootste verteenwoordiger in gebied Oosrandia. Bestuur is dankbaar vir almal se positiewe gesindheid teenoor fondsinsamelings wat goed ondersteun word en die goeie gesindheid wat heers. Met hierdie gees maak julle as lede dit vir ons aangenaam om op bestuur te dien.

Huweliksklokkie het gelui vir Mark en Angelique Lewis op die 8ste April en namens Elandsrand sê ons as bestuur vir julle baie geluk en soos Jannie Meyer vir julle gesê het, die geheim vir 'n gelukkige huwelik is nog steeds 'n geheim, geniet dit julle!

Daar is nog twee kampe oor voordat ons weer begin voorberei vir AJV en Almega in Mei wat vir ons 'n nuwe kamp is, waarna ons baie uitsien. Warmbad gedurende die Junie langnaweek wat elke jaar 'n hoogtepunt op die kampkalender is. Bestuur nooi ons lede uit om hierdie twee kampe goed te ondersteun, wie weet daar wag dalk 'n "surprise when you arrive".

Willie wegsleep & Antonie saamsleep...

Soetdoring Saamtrek 24 -26 Februarie Deur: Willie Robbetze



Numike & Kayllie speel in die modder soos kinders hoort, dankie ma! Foto : Arno Alberts

Vrydagoggend die 24ste Februarie, is ek al douvoor dag op en net na 9:00 vm arriveer ek by Soetdoring. Ek het gehoop om die eerste Elandsrander daar te wees, maar weer het Oom Leon en Tannie Kobie my voorgespring.

Dadelik spring ek aan die werk om kamp op te slaan en plekke te hou vir my kinders en familie. Kamp staan, en plekke is gehou maar die werk is nog nie klaar nie. Volgende begin ek om als reg te kry vir die opening, die punch en boekvat. Dis met die voorbereiding dat ek toe kennis neem van al die bordjies wat oral hang waar die oord uitdruklik gevra het dat die plaveisel asseblief nie afgespuit moet word nie, en ook dat jy nie mag karre was met die oord se water nie.

Daar was wel kampers wat die reëls verontagsaam het. Een van hulle dien nogal op Elandsrand bestuur ook! Nie net het hy die water misbruik nie, maar ook vir arme Tanya van Zyl 'n stukkende besem gegee om te probeer om die plaveisel skoon te vee soos wat hy spuit. Een van die manne wat die reëls so verontagsaam het, en hulle karre wel gewas het, het ook die hoofweg besoedel deur van sy tentpale langs die pad te verloor.

Asof dit nie genoeg is nie, forseer hy van ons mede lede wat met hulle karvaan by die oord inkom (teen die bult op en deur gladde modder) om vir hom tot stilstand te kom en uit die pad te beweeg sodat hy, wat net sy nuutgewasde motor kan, verbyjaag om uit te kom voor die bottelstoer toemaak.

Tanya en Wikus van Zyl het vir ons 'n skenking gemaak van Old Brown Sherrie Hamper met die mooiste keteltjie by. Daar is toe besluit dat ons dit gaan uitloot om te help geld insamel

vir die kinders se kersfonds die einde van die jaar. Ek wil net weer vir julle sê baie dankie. Ons het 'n goeie klompie geld ingesamel met die lootjies.

Saterdagoggend het Vanessa Nel vir ons die skriflesing en gebed gedoen en weereens het sy vir ons 'n pragtige boodskap gegee. Saterdagmiddag het my mede kampkommandant, Antonie Schutte, vir ons speletjies (White Elephant exchange game) greël. Tanya Schutte was die skeidsregter en sy het haar baie goed van haar taak gekwyt. Toe die "games" begin het die reën ook begin en was Wikus en Tanya gaaf genoeg om ons toe te laat om onder hulle tent te kom baljaar.

Ons het in die spel ook 'n kersvader bygekry met die naam van Adriaan Pretorius. Arme Adriaan moes elke keer sy geskenk ruil met iemand anders, en van voor af oopmaak, net om weer sy geskenk te moet opoffer. Ons het ook uitgevind dat AJ en Vanessa nie Wit Olifantjies besit nie en klaarblyklik nie appels of uie eet nie, want hulle het dit goedgedink om 'n appel en 'n ui toe te draai en dan kom die "wit olifant geskenk" nog met n lewensles en 'n toespraak ook. "Jy kry niks vir 'n appel en 'n ui nie"

Terwyl dit reën en die grootmense hulself besig hou met hulle "nuwe" geskenkies, het Numike en Kaylie vir ons gewys presies wat dit beteken om kind te wees. Soos twee varkies het



Liekie Lewis lyk baie gelukkig met haar geskenkie. Foto : Michelle Pretorius

hulle besluit om in die modder te rol. Wat begin het as modderkoekies bak, met hulle ma se toestemming, het opgeëindig in twee kindertjies wat toe is onder die modder, na Angelique dit goedgedink het om ander mense se kinders onder haar vlerk te neem en toestemming te gee dat hulle in die modder kan speel. Hulle het geskaterlag, terwyl hulle glip en gly in die modder en water. Dit was beslis 'n belewenis, en het my net weer laat besef hoekom ons kamp saam Elandrand so kan geniet.

Ons het die dag afgesluit met 'n gesamentlike braai in die straat, aangesien die reën weer oorgewaai het. Daar het dan ook deur die loop van die dag besoekers opgedaag, maar hulle het so lekker gekuier dat hulle besluit het om plakkies te word. Kobus en Nenie het noodgedwonge gehelp met slaapplek. Ek sal nie name noem nie, maar wees gewaarsku as die Albertse inkom as dagbesoekers.

Dit is waar ek toe vir tannie Poppie (Nenie se ma) vra om vir ons die gelukkig nommer te trek vir die Sherry prys. En sowaar, trek sy toe Nenie se nommer. En kan die tannie vir jou 'n toon klap as sy die prys onder haar arm het. Reguit Nenie toe.

Ons het die naweek afgesluit met skriflesing wat deur Jannie behartig was, en Alet het vir ons die Sondagskool hanteer in Derrick se afwesigheid. Streek Suid-Oos het saam met ons gekamp vir die naweek met 3 gesinne, en hulle het by ons aangesluit vir die afsluiting. Soos net Elandsrand dit kan doen, was daar weer 'n rekordgetal boetes uitgedeel met die afsluiting. Suid-Oos het lekker gesit en lag vir al die mannewales, en het self ook met 'n boete weggestap.

Vir 'n klein kamp, was dit 'n groot sukses en ons hoop ten harte dat elkeen dit net soveel geniet het soos ons.



Van nou af doop ons jou modderdoring. Foto : Michelle Pretorius



Adriaan Pretorius bewonder sy geskenk Olifantje. Foto : Michelle Pretorius



Vir 'n appel en 'n ui Foto : Michelle Pretorius



Soos altyd 'n heerlike gesamentlike "straatbraai" Foto : Michelle Pretorius

Oom Leon vermoor 'n hond op De Deur.

Teespoed vir Oom Leon & Tannie Kobie na Soetdoring. Deur: Leon Van Der Zwan.

Ons wil julle net vertel van ons ondervinding na Soetdoring se terugtog, wat nie te wel afgeloop het nie.

Die eerste was dat ons X-trail buite beheer geraak het op Soetdoring se modderpaaie, en ons amper in die rotse vasgegely het. Die volgende was toe ons verby De Deur se plakkarskamp gery het, en daar skielik 'n hond van nêrens voor ons voertuig ingehardloop het en ons nie betyds kon stop nie. Ek en Kobie is toe bo oor die hond. Omdat ons in die middel van die plakkarskamp was, kon ons dit nie waag om stil te hou nie en het maar verder gery.

Later op die snelweg sê Kobie hier wapper plastiek heen en weer. Ons stop en sien dat deel van die modderskerm losgekom het, en besef toe dat ons taamlik skade aan ons voertuig opgedoen het, as gevolg van die hond by De Deur.

Gelukkig ken ons 'n goeie paneelklopper wat ons besoek het, en ons Xtrail teen 'n baie billike prys gaan herstel. Ons motor gaan vir herstelwerk en ons hoop dat hy voor Sionsbergh reg sal wees. Wat laat julle dink dat ons nie gou weer by Soetdoring sal gaan kamp nie. Hulle paaie is nie werklik vir voorwielangedrewe voertuie geskik nie. Ons sal graag wil weet hoe



Leon en Kobie se X-trail na helsterwerk gedoen is, so goed soos nuut.

die ander Elandsranders met voorwielangedrewe voertuie daar uitgekom het.

Streek Meriete Toekenning vir AJ en Vanessa!

Toekennings en aansporings vir "Soetdoring" 24-26 Februarie 2017.




AJ en Vanessa Nel ontvang 'n Streek Meriete Toekenning vir die Godsdiens en Boekkevat bydra wat hulle gelewer het as Kampkommandante tydens die 2016 "Riverside Beach Club" saamtrek.

Ander Toekennings by Soetdoring 24-26 Februarie 2017.



Marc & Angelique Lewis ontvang hulle eerste aansporing vir 10 Streek Saamtrekke.



Oom piet van Staden ontvang sy aansporingsplaatjie vir 10 Kampkommandante.

Die Rieldans ...

Toekennings by Soetdoring
Toe ek 'n rukkie gelede lees oor die Rieldans, onthou ek dat ek so 33 jaar gelede geleer het om die dans te doen.

Die Khoi en San dans al sirkelende om 'n vuur om 'n goeie jagtog of oes te vier, of dit word ook beskryf as 'n liefdesdans tussen man en vrou waar voëls en diere nageboots word soos byvoorbeeld 'n haan of volstruis wat vlerksleep.

Ek was gelukkig om die dans te leer in 'n paar minute, dit was nie as gevolg van 'n goeie fees of oes nie en dit was beslis ook nie 'n liefdesdans nie. My dans was geleer uit nood en beangsgeit. Dit was ook nie 'n volle sirkeldans nie, net 'n halwe sirkel dans.

Soos met baie babatjies het my seuntjie na geboorte so bietjie hardlywig geraak en na vele advies was daar besluit om 'n klein enema te gebruik om van die probleem ontslae te raak. Ons buurvrouw was 'n sister by die Unie en dié het die enema verskaf.

Die outjie was netjies op die bed neergelê met 'n lekker sagte Glodina doek onder hom, die beentjies was oor sy magie na agter toe gedruk om sy "agterentjie" na bowe te lig sodat die enema met 'n bietjie vaseline gesmeer baie sekuur ingedruk kan word sonder om enige ongemaklikheid te veroorsaak.

My liewe vrouwtjie kon nie die prosedure uitoefen nie, maar het my wel van raad voorsien en gesê dat ek solank moet regstaan met nog 'n doek sodat ek kon keer as die "hardlywige goed" begin uitkom. Normaalweg vat medisyne 'n tydjie om te werk en ek het gedog dat daar genoeg tyd is om in posisie te kom.

Die volgende oomblik spuit daar 'n boog van bruin slegruijende dikderm inhoud direk op my af. Nou moet julle onthou dat die een hand nog steeds die beentjies agteroor hou, daar was nie tyd vir die doek nie en ek probeer uit die pad kom van die "goed" maar my hand wil nie die beentjies los nie.

Nou beweeg ek van links na regs, vorentoe en agtertoe voor

Deur: Willa Wolmarans.

boeta en net die een hand probeer keer, wat ook nou en dan onder toe beweeg en dit lyk behoorlik of ek ook vlerksleep, maar dit was om daarvan, wat op die hand was, ontslae te raak. Wat ek ekstra bygekry het, wat die rieldansgemeenskap glad nie gekry het nie, was 'n naarheid van die reuk, dit het ook gevoel of die kieve swel.

En daar, dans ek die riel! O ja amper vergeet ek die regtervoet was sekuur oor die linker knie en omgekeerd. Is die Rieldans 'n geleentheid vir mense om lekker saam te dans of net vir een ou om in alle erns te dans?

Baie jare later het ek weer te doen gekry met 'n enema, maar dit is 'n storie vir 'n ander dag!



Stinkberg Walaer...

Kampverslag Sionbergh Saamtrek 17-21 Maart. Deur Arno Alberts



Sionbergh vroeg in die more. Nico Zwarts

So trek ses-en-twintig woonwaens, amper, 'n outydse walaer op Sionbergh. Aanvanklik het die poging goed verloop, maar op die ou end was die veel besproke laer nie hierdie keer op Sionbergh vir Elandsrand beskore nie. Die deurdrenkte grond het dit vir van die groter woonwaens baie moeilik gemaak om langs die dam te kon opslaan. Verder was Elandsrand se gedeelte van die kampterrein dalk ietwat knap vir al die lede en besoekers by Sionbergh.

Hoe dit ook al sy, Elanders het laer getrek, alhoewel daar stellig drie was, was daar inderdaad laer getrek. Die aanvanklike laer het goed vertoon totdat Cobus Smit en Derrick Nelson besluit het om in die middel te kom opslaan, die boetemeester het wel ook dan van hierdie blatante minagting en selfsugtige gedrag kennis geneem.

Elandsrand "uitbreiding 2" het oudergewoonte 'n geslote buite-laer gevorm, maar dit was 'n laer. Vlooи Swanepoel was laat en het ook baie gaste verwag en toe ook maar sy eie laer gevorm. In ieder gevalle was daar laer getrek.

Die langnaweek het beloof om baie lekker te wees en na boekevat Vrydagaand het ons lede almal 'n kuierplekkie uitgesoek tussen die drie laers en die nag in gekuier en geskerts.

Saterdagmore het daar 'n groot groep kampers gerapporteer vir 'n heerlike "fit-bit fun run" om die Sionberghdam en af tot by die hoofingang. Dit was heerlik en het ons sommer begeester



om die dag met entoesiasme aan te pak. Na boekevat en 'n gesamentlike ontbyt wat ondersteun was deur die gewone ou speel-groepie, het ons die res van die more en vroegmiddag oor en weer gekuier, terwyl die kinders die dam in bootjies plat geroei het.

Ek en Ursula het speletjies gereel wat op 'n grappige manier getroude paartjies se kommunikasie en samewerking getoets het. Daar was mans wat geblinddoek hul vrouens moes uitken



"Die winter is hier" Om die kampvuur by Sionbergh. Foto: ArnoAlberts

deur slegs aan die voete te voel. Ook geblinddoekte aanwysings waar een die ander moes lei om 'n prys te kon vind. Die gewilde "ken jou maat" skoenspeletjie het soos verwag vir baie lag gesorg.



Derrick Nelson soek sy vrou Elzabie se skewe toontjie...Foto: Michelle Pretorius



Nee, ontspan ! Cobus en Ninie Smit smelt net hulle ysie. Foto Michelle Pretorius



"Tanya, dit is voor die handliggend dat dit nie Wikus is nie, probeer weer lol". Foto Michelle Pretorius

Vir die res van die middag en aand het ons weer oudergewoonte gebraai, gekuier, en tot laataand om kampvure stories en grappies uitgeruil.

Sondagmore het die amptelike gedeelte van die naweek tot 'n einde gekom met Sondagdiens en afsluiting. Tanya Van Zyl het 'n "Old Brown Sjerrie" geskenkpak beskikbaar gestel wat dan

ook uitgeloot is. Paula Mc Crate was die gelukkige wenner, en ons sê baie dankie aan almal wat 'n lootjie gekoop het. Volgens Werner Scholtz, ons penningmeester, het hierdie loting vir ons kinderfonds 'n stewige R 1060.00 ingebring.

Sondagmiddag het almal weer lekker gebak en gebrou saam met vriende en die aand in gekuier. Maandag en Dinsdag het



Paula McCrete wen die "Sedgwick's" keteltjie lootjie. Foto: Michelle Pretorius

ook rustig verloop met Elanders en gaste wat in groepies die kamp oor gekuier het. Dinsdagmore het baie van ons lede weer begin oppak en teen 2:30 was die meeste Elanders reeds oppad huis toe.

Sionberg 2017 was soos verwag 'n baie lekker saamtrek gewees, en daar is onder bestuur gepraat van 'n moontlikheid dat ons jeugkamp in November dalk verskuif moet word na Sionbergh, 'n gedagte wat baie sin maak en beloof om weereens 'n sukses te wees.

Baie dankie aan almal wat saam met ons gekamp het en ons speletjies, lootjies en vermaak ondersteun het. Dit is altyd 'n voorreg om Kampkommandant te speel vir 'n streek en vriende soos Elandsrand.

Arno & Ursula Alberts



.Wat is nou lekkerder as om op die dam te ry saam met Pa. Foto: M Pretorius

Hardebaard Kommandante Bohnen.

**Edith & Hendrik Bohnen
Kampkommandante x 51**

Tannie Edith en oom Hendrik het by die afgelope Saamtrek in Sionberg 'n indrukwekkende mylpaal behaal deur hulle 40 en 50ste Kampkommandante aansporing te ontvang.

Elandsrand se gunsteling egpaar kamp al vir 28 jaar saam met Elandsrand met 233 Streekkampe en 330 algemene saamtrekke, en toon geen teken van ophou kamp nie. Baie geluk. Julle bly 'n inspirasie vir Elandsrand en SAWA.



Ander toekennings en aansporings vir Sionbergh 2017



Freddie en Paula Mc Crate onvang 'n aansporingsplaatjie vir 50 Algemene Saamtrekke saam met Elandsrand



Ursula & Arno Alberts kry 'n aansporing vir 20 Streek en 25 Algemeen asook Kampkommandante vir Sionbergh 2017



Janine Smit is, "Blapsie"



Derrick Nelson is, "Nakkie Die Nar"

Wie sit agter Elandsrand se Bokkop?

Geskiedenis oor die ontstaan van Streek Elandsrand se embleem.

Deur Arno Alberts & Nico Zwarts.

Die onlangse vernuwing van Elandsrand se embleem het my laat wonder waar kom die Elandkop vandaan? Wie van ons voorvaders het besluit op die embleem en waar het die gedagte ontstaan?

Ek besluit om vir Nico Zwarts te vra wat hy weet oor Elandsrand se Bokkop. Oom Nico was heel op die bol gewees en het my vertel dat die bokkop destyds ten tye van Elandsrand se stigting as embleem aangeneem is.

Nico het voorgestel dat een van Elandsrand se voormalige voorsitters dalk van meer hulp kon wees ten opsigte van die embleem se geskiedenis, en baie goedgunstig onderneem om inligting namens my te vergader.

Binne dae ontvang ek 'n e-pos van Oom Nico met interessante feite oor die oorspronklike embleem. In breë gebaseer op Oom Nico se e-pos gee ek dan 'n kort opsomming van ons embleem se ontstaan, so te sê uit die bok se mond uit.

Volgens Oom Willem Gerber, destydse voorsitter van SAWA se moederstreek Oos-Rand, is 'n werkskomitee onder leiding van Coert Grobbelaar in 1984 in die lewe geroep. Hierdie werkskomitee was verantwoordelik om vir die voorgestelde afstigting van 'n nuwe streek, 'n gepaste naam daar te stel. Die besluit is geneem om die nuwe streek "Elandsrand" te doop, en as gevolg daarvan, 'n Elandkop as embleem.

Ryna Gerber, dit is nou Oom Willem se vrou, het Elandsrand se kenteken as ook die eerste vlag ontwerp, gemaak en aan die streek geskenk. Tannie Ryna het op daardie tydstip ook 'n vaandel vir die nuwe Streek ontwerp.

In daardie jare was die gebruik gewees dat SAWA streke op saamtrekke beide die Oranje blanke blou en 'n streeksvlag laat wapper het. Baie formeel nogal. Streke het vroeër jare ook vaandels gehad wat vertoon was. Natuurlik van daar ons he-



Tannie Ryna se vaandel vir die nuwe streek Elandsrand.



Willem en Ryna Gerber toe hulle 100ste Algemene aansporing ontvang

dendaagse gebruik van "wimpels" wat jy gereeld tydens Presidente en ander nasionale saamtrekke kan sien.

Die leuse vir die nuwe streek Elandsrand se vaandel het gelees "Geniet die Natuur." Na afstigting het Elandsrand se plaatjies met 'n Elandkop en nek daarop begin verskyn. As jy nou na jou eie verwelkomingsplaatjie kyk sal jy die oorspronklike embleem sien. Wat ons egter nie weet nie, is wie se voorstel wat destyds ingedien was, die kompetisie gewen het. Daar bestaan ongelukkig geen rekords of inligting daaroor nie.

Willem Gerber het opgetree as waarnemende voorsitter tot Braam Human later amptelik as Elandsrand se eerste verkose voorsitter oorgeneem het. Lees gerus hier onder 'n uittreksel uit SAWA se Geskiedenis soos saamgestel deur Oom Willem.

AFSTIGTING VAN STREEK ELANDSRAND

OP 31 MEI 1984

Die uitbreiding van SAWA se ledetal was nog altyd van groot belang, maar groot streke was ook nie altyd die antwoord nie, weens die onpersoonlikheid daarvan. Dit was ook so in die geval van Streek Oos-Rand, die moederstreek van SAWA. Die groei in ledetal het gelei tot die stigting.... (vervolg op bladsy 11) ➤



Elandsrand se oorspronklike vaandel & bokop kentekens.

van 'n nuwe streek. Ten tye van die afstigting het Willem Gerber die voorsitter van Streek Oos-Rand'n Werkskomitee waarvan Coert Grobbelaar die same-roeper was, daargestel om die moontlikheid van afstigting te ondersoek.

Die beoogde nuwe streek, waarvan die streekgrens die munisipale gebiede van Alberton, Germiston, Bedfordview en Edenvale ingesluit het, moes 'n gepaste naam kry. 'n Kompetisie was vir die doel uitgeskryf. Nadat verskeie inskrywings vanaf die lede ontvang is, het die komitee besluit om die naam Elandsrand te aanvaar. Die motivering vir die naam was die volgende.

Die naam van die Eland "Tragelaphus oryx" wat die grootste bok in Suider-Afrika is, het prominent voorgekom in beide dorpe Alberton en Germiston. Die Dorp Alberton was op daardie stadium omring deur verskeie onbebonde randjies en is ook op die plaas Elandsrand gestig. Die dorp Germiston weer, beskik oor 'n spoorwegdorpie wat die naam Elandsfontein dra. Die Eland se kop en nek is gebruik as embleem vir die streek en word op die streek se plaatjies en vlag vertoon. Beide die vaandel en die vlag is deur Ryna Gerber gemaak en aan die streek geskenk.

Die aansoek wat ingedien was deur die moederstreek om 'n tweelingstreek naamlik Elandsrand en Kemp-tonpark op dieselfde datum af te stig, was uniek en is tydens die Uitvoerende Bestuursvergadering gehou op 26 Mei 1984. Eltlike dae voor die afstigtingsdatum van 31 Mei 1984 bekragtig. Alle reëlings vir die afstigting was reeds vooraf getref en kon nou daarmee voortgegaan word.

Die Afstigtingssaamtrek het op Saterdag, 31 Mei 1984 by die ATKV Oord Klein Kariba plaasgevind. 'n Spesiale Afstigtingsplaatjie vir die geleentheid is uitgereik."



Elandsrand se eerste Spesiale Afstigtingsplaatjie uitgegee op Saterdag, 31 Mei 1984 by die ATKV Oord Klein Kariba.

Revamped Emblem for Elandsrand



As reported, in the previous edition of the Newsletter.

Elandsrand went ahead and reconditioned its Logo. The new Emblem remains the same as the original but with slight changes and alterations in respect to the actual "Eland" image. The new logo is still presented in maroon red and based on the old layout but as mentioned with the recently revamped "bokkop". Management is confident that members will find favour with the new look emblem.

Presidente 2017

Deur Cobus Smit.



Die jaar het teen so 'n tempo weggespring en voor ons onself vind is Presidente 2017 weer op ons voorstoep.

Gesinne Nelson en Pretorius is uitgehouer vir kamp en vat al hulle woonwa en "motorhome" op Maandag 10 April deur Klipdraai toe in gietende reën en laat weet vir my en Vloo dat Elandsrand al weer daar onder in die gat van Klipdraai staan en dit nadat die Nasionale Voorsitter vir ons sy verskering gegee het dat ons weer daar bo gaan staan omrede ons Saterdagdaandie "Bingo" en "Musiekvermaak" in die tent gaan aanbied.

'n Paar oproepe later en ons word opgeskuif en staan nader aan die tent en op 'n gelyker stukkie grond uitgesit vir Elandsrand.

Dinsdag arriveer nog Elandsranders en teen sonsondergang staan 9 lede gemaklik en reg vir die Presidente. Woensdag begin al hoe meer Sawanante by Klipdraai aankom en staan nog 2 Elandsranders ook lekker gemaklik tussen ons.

Ursula oortuig vir Arno dat hulle ook Presidente toe moet gaan en Woensdagdaand maak hy almal mal met oproepe soos: is daar vir my genoeg plek om lekker te staan, is dit die moeite werd om deur te kom, is daar warm water, is die swembad skoon en

so gaan dit aan totdat hy uiteindelik besluit om Donderdagoggend sy woonwa deur te bring en saam te kamp.

Oud Elandsranders Mike en Mariza Jennings kamp ook vir die naweek saam met ons en word daar lekker ou nuus opgevang en het die twee die naweek terdeë saam met ons geniet, Mike, nog net so "loud" soos altyd, was weer "loud" en het ons almal sy geselskap geniet.

Teen Donderdag is die oord vol en is Elandsrand dan ook vol-tallig met 17 lede, 1 Rietfonteiner (Jennings) en 3 besoekers wat almal lekker staan gemaak is en word daar op die tradisionele Elandsrand manier om die kampvure gekuier en gebraai tot laat aand toe, oftewel vroegoggend toe, nê Tandjies Van Zyl.

Ons staan in so vier groepe en dit is die heeltyd speeltyd met iemand wat vermaak verskaf tot die plesier van ander.

Vrydag moet ons groepie ons gedra, want Jenna verjaar en die Nelson's onthaal feitlik hulle hele familie by Klipdraai en hou die kinders lekker verjaardagpartytjie en speel hulself flou. Saterdag is dit weer tyd vir kermis en kuier die meeste van ons in die tent en is daar ietsie lekkers te ete en natuurlik te drinke met die Oosrand biertuin. Oom Frik van Klipdraai koop 'n bottel Rooiwyn (asyn) op die wynveiling vir R 2 000 en roep vir grootmond lawaaigat Nini nader en gee vir haar die bottel wyn (ek weet nie of sy hom nog iets skuld nie...) maar die foto vertel alles.

Saterdagaand maak Jannie vir ons musiek in die tent en speel ons Bingo, feitlik weer net Elandsrand wat teenwoordig is en dit nadat Dagbestuur Elandsrand gesoebat het om weer Bingo by die Presidente aan te bied.

Sondag na die erediens skenk oom Frik 'n bees wat gewen kan word en word Hennie en Charmaine Swart se name uitgeroep as die wenners van die bees en toe.....hulle is nie in die tent nie en daar verbeur hulle die prys en ek glo dat hulle nou nog beestrane daaroor huil. Daar word weer 'n naam getrek en ons gelukkige egpaar wat altyd pryse wen Nico en Lorriane Zwarts is die gelukkige wenners van die bees en hulle was in die tent gewees om die prys te kan kry, well done julle twee en Elandsrand wag vir die uitnodiging om daardie beesboud op die spit te braai. Die res van die dag kuier-kuier almal ewe rustig en maak potjies of spitbraais.

Maandag is alweer oppaktyd maar ons het weer rede om partytjie te hou, hoekom, want Michelle Pretorius verjaar en vinnig sit die "feeskomitee" 'n paar reëlings in plek en hou ons lekker gesamentlike onthbyt daar in ons kring en met vol pensies is almal maar luierig om op te pak en gaan dit maar sukkel-sukkel.

Presidente 2017 was weereens 'n baie genotvolle kamp en Oom Frik was SAWA weer goedgesind gewees om die oord weer beskikbaar te stel teen R200 per nag vir 2018.



Ninie en haar bottel St. Augustine wat sy by Oom Frik aferokkel het.

Lief en Leed...

Deur Tanya Schutte.

Juandre Van Jaarsveld:

Toetsresultate het aangdui dat daar Kankerselle in Juandre se mond en tong is. Verdere toetsse is gedoen en Juandre is op 12 Mei opgeneem vir 'n operasie om die selle te verwijder. Ons is baie dankbaar om met julle te kan deel dat die uitslae van die selle negatief teruggekom het vir kanker. Juandre sterk tans aan na sy operasie en ons verneem dat dit goed gaan met hom.



Viv van Zyl:

Oom Viv is gedurende Februarie opgeneem vir 'n Angiogram. Daarna word hy ingeboek by die Vereeniging Medi Clinic vir 'n hartomleining. Aanvanklik het die Spesialis gesê dat hulle 'n "Quadro" 4-Aar omlyning sou doen. Hy was net so duskant 5 ure in Teater waar die Spesialis toe 'n 7-Aar omleining moes doen. Daar is are uit sy been verwijder om die operasie moontlik te maak. Die operasie was 'n reuse sukses en 'n lang pad van herstel lê voor vir Oom Viv. Dit gaan baie goed met hom en hy sterk goed aan. Oom Viv, jy is 'n man van staal.

(nog Lief & Leed op bl. 13) ➔

Lief en Leed Vervolg...

Marci trou met sy Liekie!

Deur: Tanya Schutte.



Marc & Liekie baie gelukkig en getroud. Foto verskaf.

In 'n wiskunde klaskamer op Goudrif se skoolgronde het hierdie verhaal homself begin skryf. Min het hulle geweet dat sewe jaar later sou hulle, nog net so verlief soos op daardie eerste dag, voor 'n kansel staan en mekaar ewige trou beloof.

Vir jare op skool was Marc en Angelique albei ewe verlief op mekaar, maar nie een was braaf genoeg om 'n "move" te maak nie. Op 'n stadium het Marc 'n meisie gehad en Angelique se moed gebreek en toe op haar beurt, het Angelique weer 'n outjie en Marc se moed gebreek. Dit het net nooit gelyk of dinge gaan uitwerk vir die tweetjies nie. Matriekjaar onder die knie, vaar hulle die wye wêreld in. Elkeen op sy eie. 'n Paar jaar na skool loop hulle mekaar weer raak, en dis asof geen tyd tussen in verby gegaan het nie. Die tyd was is perfek, en Marc en Liekie word toe uiteindelik Marc en Liekie soos ons hulle vandag ken.

Ek onthou die eerste keer toe ons vir Marc ontmoet het. Dit was 'n groot affère toe kleinsus 'n "boyfriend" huistoe bring. Pa maak sy Bees Fillet net op spesiale geleenthede. 'n Skraal, skaam en goed gemanierde mannetjie uitgevat in sy beste sondag pak daar op. Ja, ek oordryf glad nie, hy kom "gesuit en tie" vir hierdie braai. Hy het vinnig in elkeen van ons sussies en boeties, en ook in die ouers se harte ingekruip met sy

"suit en tie". Om te kom tot op die punt waar hulle eintlik kon trou was baie harde werk. Vir 7 jaar het Marc gebuig om af te betaal aan daai "labola". Dis dop gooi, kamp opslaan, braai, sussies in die aande vergesel badkamers toe, tot Kaylie se eerste woord was "maak" met die bottel in die hand, en Marc moes vol maak.

En hier staan ons nou, 8 April 2017, op Marc en Liekie se groot dag. En wat 'n besonderse dag was dit nie. Alles was sprokies mooi, en elke reëling het mooi in plek gevval. Angelique het soos 'n feeprinces gelyk, en om Marc se gesig te aanskou toe hy sy Liekie in die gang sien afloop het ons almal in tranen gehad. Die strooimeisies moes hulle snoesies met die strooijonkers deel!

Dit was nie heeltemal 'n tradisionele troue nie, te danke aan 'n paar "spanners" wat Angelique in die raamwerk gegooi het, maar wat sou ons nou minder verwag, dis tog Liekie. Die gevolg het die kerk binne gekom op "Happy" van Pherell Williams, met 'n huppel in die stap. Angelique word toe ingely op Star Wars se tema lied. Met die afhandeling van die "I do's", het die hele gevolg opgespring en begin dans. Die uitdrukking op die mense se gesigte was 'n belewenis.

Die troukoek het ook deurgeloop, maar dit was heeltemal onbeplan. By De Hoek in Heidelberg, is daar so paar "Great Danes" wat rondloop. Een van hulle is 'n speurder, en het vanaf 'n geheime oord verneem dat daar so paar enkellopende meisies is wat nie baie gelukkig is oor Marc nou van die rak af is nie. Die dames het saamgesweer om die troukoek te vergiftig, en die Speurder het dit toe in sy eie pote geneem om die koek te toets voor die troue. Gelukkig was die twee koördineerders op hulle hoede en kon hulle darem so bietjie van die troukoek red.

Oom Jannie en Tannie Alet het die partytjie aan die gang gehou met hulle musiekfabriek en ons het lekker gesing en dans tot laat aand.

Wade & Tegan McCrate:



Wade & Tegan (kleinkinders van Paula en Freddie) het albei 'n skitterende atletiekseisoen agter die blad. Beide het deurgedring en deelgeneem aan die Groter Brakpan Atletiek kompetisie. Wade het sommer 'n hele paar rekords gebreek met sy verspring vernuif, en het 4de in Gauteng geëindig.

Nie net kan hy verspring nie, maar hy kan rugby ook speel. Wade het deelgeneem aan die Ekurhuleni Rugby Proewe, en ook deurgedring na rondte 2 van die Bokkie Week proewe. Ons hou vir jou duim vas Wade. Die twee mannetjies hou omtrent vir Ouma en Oupa op hulle tone.

“Rita het dit ook nie geweet nie...”

45 jaar vir Oom Lai en Tannie Rita, 'n voorbeeld om te volg. Deur: Lai Papenfus



Oom Lai & Tannie Rita op hulle trou dag in 1972

9 November 1969, en in ons jeug van 24 en 22 word Rita en Ek op 'n "blind date" aan mekaar voorgestel. Twee of drie dae later, stel ek Rita voor aan my moeder as haar toekomstige skoondogter. Rita het dit ook nie geweet nie!

In 1972 vind ons troudag plaas en vertrek ons op wittebrood met 'n Venter Mk2 opslaan woonwa. Van Pretoria, Middelburg en Hluhluwe Park tot by Blythdale Beach, waar ons te wonderlik lê en kyk hoe die maan opkom oor die see vanuit ons tentjie. Ai, man, maar die derde aand waai die wind ons amper binne-land toe en trek ons maar Margate se kant toe en slaap oor by 'n Oom van my. Die volgende dag vat ons die lang pad huis toe om so ons sak sout saam te begin eet.

Na 'n paar jaar se stoeiery maak Dieter sy opwagting, en 'n jaar



Oom Lai & Tannie Rita 45 jaar later in 2017

en 'n half later is Liza daar. Ons woon toe alreeds op ons plot. So gaan die lewe toe. Huis maak en die kindertjies gaan skool toe, ek werk en Rita ry kinders rond. Toe die groot seerkry in 1996, wat ons band net sterker gemaak het en ons mekaar kon dra tot vandag toe.

Liza trou "uiteindelik" in 2003 en so word ons teen 2004 gesien met die aankoms van Brent.

'n Baie groot dankie, vir al die wonderlike, en minder wonderlike jare. Dit gaan in 'n oogwink verby.

“Charmaine gave me wobbly legs & butterflies”

35 year wedding anniversary for Hennie & Charmaine Swart. By Hennie Swart.

I was doing my national service in 1979 and was out on a weekend pass. My blind date was set with Charmaine. It was love at first site. I just knew she was the girl for me. And I was going to marry her. Charmaine gave me wobbly legs and butterflies in my stomach. I was not going to let Charmaine slip through my fingers. I asked her out and we kept in touch by writing love letters till my 40 days was completed.

On my 21st birthday I put an engagement ring on Charmaine finger and we were engaged for 2 years. Then the big day came in 1982 when we said our vows. In 1983 and 1984 our two beautiful daughters were born and that made our family complete.

On 27th February 2017 we celebrated our 35th wedding anniversary and we are still madly in love with each other. If I had to choose again it would definitely be Charmaine over and over again. Love Hennie




Hennie & Charmain in the Mondeor Baptist Church on the 27th of Feb 1982

120 Streek Saamtrekke vir Willa en Joranie...

Toekennings en aansporings wat by "Riverside Beach Klub" 27-29 Januarie 2017 ontvang was.



Willa en Joranie Wolmarans onvng hulle 120 Streeks
aansporing asook 10 en 20 Kampkommandante erkenning.



Vloo en Sandra ontvng 'n 70 Streeksaamtrek aansporing




Marthus en Linda De Beer onvng hulle eerste aansporing vir
10 Streek Elandsstrand Saamtrekke.



Vloo en Sandra Swanepoel ontvng 'n aansporingsplaatjie vir
10 Kampkommandante diens.



Oom Leon en Tannie Kobie ontvng ook 'n 10 keer Kampkom-
mandante aansporingsplaatjie.



'n 125 Algemene Saamtrekke vir Oom Piet van Staden.

Veelsgeluk Liewe Maatjie...! Verjaarsdae vir Maart tot Junie



Werner Scholtz	03-Apr-84
Rudolf van Onselen	06-Apr-78
Ettienne Myburgh	12-Apr-88
Jenna Nelson	14-Apr-08
Michelle Pretorius	17-Apr-78
Kiaravan Heerden	20-Apr-09
Alet Meyer	24-Apr-63
Paula McCrate	07-May-57
Tanya Schutte	11-May-83
Marthus de Beer	12-May-80
Corrie van Onselen	14-May-53
Miems van Zyl	18-May-52
Nadia Botha	24-May-01
Kevin van Zyl	27-May-04
Wikus van Zyl	28-May-77
Vanessa Clarke	30-May-81
Kathleen Strydom	30-May-96
Lorraine Zwarts	2-Jun-54
JJ Botha	7-Jun-04
Dean van Onselen	07-Jun-06
Wynand Coetzee	11-Jun-72
Willa Wolmarans	12-Jun-58
Micke Coetzee	14-Jun-01
Hennie Swart	18-Jun-59
Jaques Pretorius	20-Jun-99
Jean Pretorius	20-Jun-99
Brent Whitcomb	21-Jun-04
Clarise Coetzee	23-Jun-94
Jannie Meyer	24-Jun-61

Mielie-pap muffins...! Saam met braaivleis!



Elsabe Grobbelaar

Jy benodig (vir 6)

- 2 koppies mieliemeel
- 4 koppies water
- 1 teeplep sout
- 3 eetlepels olyfolie of botter
- 2 eiers
- 2 hande vol kaas, gerasper
- 4 eetlepels gekapte vars kruie, of 1 eetlepel droë kruie
- 1 teeplepel rooipeper
- 1 teeplepel paprika
- 1 kopje heel mieliepitte
- 6 sondroogtamaties, gekap
- 12 kersietamaties, gehalveer

Só maak jy

- 1 Voorverhit die oond tot 200 °C.
- 2 Maak eers die pap. Bring die water en sout tot kookpunt. Voeg die mieliemeel daarby en roer tot dit verdik. Laat dit met 'n deksel op prut vir 10 minute. Verwyder dit van die hitte en laat die pap afkoel.
- 3 Meng die res van die bestanddele saam en voeg die koue pap daarby.
- 4 Skep die mengsel in 'n gesmeerde muffinpan. Skep dit maar vol, want dit rys glad nie. Bak die muffins vir ongeveer 20 minute.

Wenk: Die muffins is 'n blink plan as jy oorskietpap het. Gooi 'n hand of drie vol gebraaide spek of oorskietboerewors by en eet dit vir brekfis. Dis 'n geduldige resep dié.



Wat is lekkerder as poeding op n kamp?

Bestandele:

1. 2 gekoopte "puff pastry" rolle.
2. 5 Stafies of soos ek wil se SLABS sjokolades, dis nou van top deck tot Double nuts, tot gewone of wit sjokolade. Jou eie keuse
3. 1 eier
4. 1 spuitroom vir opdien.

Geduld en goeie vriende!!! Moes dit insit, sommer net vir sommer.....

Metode:

- Rol die puff pasty uit.
- Rangskik jou sjokolades volgens voorkeur binne in jou deeg.
- Hier kan jy nog neutie, marshmallows of enige iets byvoeg waарoor jy mal is.
- Plaas jou tweede uitgerolde deeg bo – oor jou eerste.
- Klop jou eier op.

Rol nou die kante van jou deeg op.

Sit nou die hele storie in jou toeknyprooster. (Dit kan nogals n storie wees, of jy kan van die begin af werk in jou toeknyprooster....onthou om jou rooster te spuit met spay and cook).

Smeer jou Braaipastei met eier, aan die voorkant en aan die agterkant.

Nadat almal klaar gebraai het en lekker sit en eet dan sit jy hierdie pastei op die kole.

Die pastei moet vir so uur op die vuur wees. Nie te warm nie anders gaan hy vinnig brand.

Draai en braai tot goudbruin.en wa la jy het n heeeeerlike nagereg.

Sny in blokkies en bedien met spuitroom, of sommer lekker roomys as jy wil.



Funny Bunny Story

By: Teresa Strydom

One upon a time at "Klipdraai" Presidents camp during the Easter Break it was noted that Easter Bunny with its fluffy tail and long ears was nowhere to be seen, could it be that he had landed on someone's braai! Or "konka" fire! So it was a question begging to be asked, where does the origins of the Easter Bunny come from?

Some Fun Facts

*"According to research Christians around the world celebrate the holiday with hot cross buns, dyed Easter eggs or *gorging on Easter candy*. The exact origins of this mythical mammal are unclear, but rabbits are a known ancient symbol of fertility and new life and the egg, an ancient symbol of new life. Decorating eggs for Easter is a tradition that dates back to at least the 13th century, according to some sources."*

So in normal "Feeskomitee" spirit the youth leader Derrick and Elzabie arranged for the Elandsrand "Kiddies, young and old" to enjoy an Easter hunt and to get a pack of sweets to gorge on.

With great excitement Michele and Ursula hid the eggs, in between the pots and pans, in the trees, between the leaves, some of the older kiddies kept an eye, just in case an egg was missed, so it could be retrieved later on.

The kids were called, in a matter of seconds the majority of the eggs were found and in a whirl the kids were gone, off to play in the playground once again. The "really older kids" with beer in hand collected the unfound eggs and also gorged them down.

So all in all it was great fun, so till next year hopefully the Easter bunny will re-appear or maybe not! As he was truly sunburnt, so till next year we will have to wait and see.



Wat 'n oujaar...

Oom Apie de begrafnis. Deur: Jannie Meyer.

Dit was 'n warm Desember middag en ek en Vroulief het besluit om 'n paar dae vroeër van vakansie af terug te keer huis toe. Ons kom by haar ouerhuis aan, sluur binne en skree "Surprise!" en daar sit die hele familie om die tafel en huil snot en trane.

Wat nou? Oom Apie is dood. Nou oom Apie was daardie oom waarvan jy nie veel geweet het nie. Hy was altyd relatief stil en hoewel hy net oorkant die straat gebly het, het ons nie eers sy familie aan sy oorlede vrou se kant geken nie. So gebeur dit dan ook dat die begrafnis van oom Apie op die 31ste Desember om 2 uur die middag sou plaasvind.

Die diens sou toe plaasvind by die begrafnisondernemer se Kapel in Braamfontein. Ons, ek en vroulief, sowel as ma Pollie, pa George, Marie, Koekie, Johan en Ann, die familie aan ons kant het almal bymekaargekom en ons vertrek in twee karre na Braamfontein. Daar gekom sit ons eers en kyk na die ander kant van die familie daar teenwoordig. Groot was ons verbassing, want dit lyk of oom Apie nogal ryk en *grand* familie gehad het. Daar was selfs 'n mannetjie in sy army step-outs en Koekie het gereken dit moes sy een kleinseun gewees het wat nou in die army moes wees.

Maar omdat ons hulle nie geken het nie en hulle nie vir ons nie, het ons maar eenkant gebly en so ook hulle. Dit was bykans twee uur en ons beweeg die Kapel binne. Marie neem haar kransie en stap die lang gangetjie in die kerk af en plaas haar kransie heel plegtig op die kis, vertoef 'n oomblik en sluk 'n traan weg.

Ons neem almal plek in by die vierde bank en die diens begin. Tot ons verbassing is die prediker 'n vrou in 'n lang wit toga. Nog groter was ons verbassing toe die vrou in Engels begin te praat. Oom Apie, wat 'n baie konserwatiewe mens was, sou nie daarvan hou dat daar nou deur 'n vrou vir hom 'n diens moes doen



in 'n taal van die vyand nie. Dis in elk geval 'n treurige affère en na 'n kort boodskap is dit tyd vir gebed. Almal staan op en die vrou begin met die gebed. In haar gebed, nog steeds in Engels noem sy dat die persoon wat begrawe word 'n goede vrou was en 'n voorbeeld vir al haar kinders was. Hiervan sou oom Apie nikus hou nie.

Maar toe tref dit ons met een slag. "Ons is by verkeerde begrafnis?" Die trane is eensklaps weg en die gegiggel onder gebed neem oor. Marie besluit net daar en dan sy stap nog onder gebed, gaan haal haar kransie van die kis af, draai om en loop die Kapel uit gevolg deur ons almal in die vierde bank. Buite gekom kon ons die lag nie meer terughou nie. Wat die arme mense in die Kapel moes gedink het. Buite vind ons toe uit daar is nog 'n Kapel verder in dieselfde straat.

Ons ryg weer in die twee karre en jaag die straat af. Daar gekom spring ons uit en storm die trappe op, maar voor ons nog bo kom gaan die deure oop en die draers kom met oom Apie se kis uit. Die res van die begrafnis het darem vlot verloop, maar dit was lankal nie meer 'n tranedal nie, maar 'n groot grap.

Nouja, na die begrafnis is almal huis toe vir koek en tee en natuurlik is oom Apie se begrafnis afgesluit met 'n tradisionele oujaar kuier tot watter tyd. Ons sal seker nie veel van oom Apie se lewe onthou nie maar sy begrafnis sal ons nooit vergeet nie. Rus in vrede oom Apie

Willa se gif...

Raak ontslae van klein swart miertjies!

Deur: Willa Wolmerans.

30 druppels clove essential olie


30 druppels Peppermint essential olie

+- 500ml water

Meng alles saam spuit dan op oppervlakte waar die ou miertjies gereeld voorkom



Elandsrand Jaar Program 2017



July
28-30

DUBE NIE AMPTELIK
or
RIETFONTEIN ALGEMEEN
or
SAWA NASIONAAL

August
25-27

BLOEKOMPOORT
AJV

September
22-25



October
27-29



KLEIN PARADYS

November
24-26



December



TUISBLYERS



Dit is regtig vir my so lekker om te sien hoe julle die Elander geniet, en hoe al hoe meer van julle betrokke begin raak. As jy nog nooit iets vir die Elander geskryf het nie, probeer dit gerus. Selfs al is jy nie juis veel van 'n skrywer nie, maar het iets om te sê, skryf dit gerus neer of kom deel jou gedagte met my en ek sal help. Julle hoef nie noodwendig net te skryf nie, as jy 'n snaakse prentjie het of 'n ou grappie wat jy wil deel, stuur dit gerus. Kom, ek daag julle almal uit om vir my iets te stuur wat ek kan gebruik.

Die winter is nou op ons, maar hand-in-hand met die koue loop van ons lekkerste kampe van die jaar ook. Dis altyd gedurende die tyd van die jaar wanneer ek oral mense raakloop wat stomgeslaan is dat ons gedurende hierdie wintermaande kamp. En almal vra altyd dieselfde vraag, "Hoe kan julle kamp as dit so koud is, dis mos maligheid?" En dit het my laat dink, hoekom?

Wat is dit van 'n winterkamp wat dit so lekker maak, hoekom geniet ons hierdie kampe so vreeslik? Is dit die bosveldvure wat snags oral brand, en die gelag en samesyn om hierdie vuur wat dit vir ons so spesiaal maak? Of is dit die laatnag swem in die warmwaterswembad, of die warm disse wat ons voorberei as etes, of die stilte van die bosveld atmosfeer wat ons siel voed? Ek kon ongelukkig nie op 'n reguit antwoord afkom nie, ek weet net vir my is dit 'n kombinasie van al die dinge hier bo wat dit vir my so spesiaal maak. Dis dalk koud buite, maar my binneste is aan die brand.

So vir die volgende paar koue maande wat voorlê, wil ek 'n beroep doen op elkeen van julle om bietjie te sit en dink aan hierdie vraag, "Hoekom skrik jy nie vir 'n winterkamp nie, wat is dit omtrent winterkamp wat dit vir jou spesiaal maak?" Miskien weet jy dalk klaar wat jou antwoord is, miskien het jy nooit so daaraan gedink nie. Maar die oomblik wat jy besef wat daardie spesiale "ietsie" is wat dit vir jou laat werk, skryf hom neer, of neem 'n kiekie en deel dit asseblief met my sodat ons dit kan plaas in die volgende uitgawe. Vir die bobaas kokke hier tussen ons, stuur vir my julle winterresepte ook. Deel bietjie julle lekker warm kosse met die res van die mense ook. Ons wil almal lekker eet! Ek sal die resepte op ons Facebook blad ook plaas soos ek dit ontvang.

Ek is reg vir die winter, die koue en die lekker kuiers. Hoop julle is ook! Ek wag in spanning vir al die warm stories en resepte.

Tanya Schutte tanyab.schutte@gmail.com

Die tyd vlieg iets vreeslik. Dit voel soos nou die dag toe die eerste Elander uitgegee was en nou is die derde uitgawe klaar en sit ons al kniediep in die winter. Ons het besluit om die jeug Elander as 'n aparte bylaag uit te gee, en hoop daarvan dat die kinders elk ook hulle eie Elander sal kan geniet.

Soos altyd is daar baie mense wat die nuusbrief moontlik maak en wat graag help en skryf aan die Elander en soos altyd is bedankings in orde. Dit is net hier waar ek soos altyd, gaan vergeet om iemand te bedank, en daarvoor vra ek asseblief byvoorbaat omverskoning.

Cherel van Onselen, baie dankie dat jy ingestem het om as sprekbuis vir die nuut benaamde Elandsrand "uitbreiding twee" op te tree. Jou stuk oor "Extention 2" was so'n guittige storie, ek het sommer besluit om dit op die voorblad te gebruik en op die koop toe julle groepie te seën met 'n unieke "logo" om sodoende identifikasie, assosiasie en logistieke organisasie te vergemaklik. Nee, regtig baie-baie dankie.

Ook op die voorblad en bladsy twee is daar 'n herdenking vir twee van die dierbaarste mense wat ek ooit ontmoet het. Oom Hendrik en Tannie Edith. Julle bly 'n voorbeeld en inspirasie vir my en ek vertrou ook vir almal wat die voorreg het om met julle twee te assosieer. Baie geluk met julle huwelikshedenkking en mag daar vir julle nog baie meer wees. Ons is so lief vir julle...!

Marietjie baie dankie vir "Die Woord." Dit was een van redaksie se doelwitte gewees om Godsdienstige bydraes vanuit ons eie gelede-re te kry en jy is deel van daardie sukses.

Willie en Antonie baie dankie vir julle verslag van die Modderdoring saamtrek. Vir Willa en Jannie Meyer, die snaakse stories is presies wat ons wou hê. Baie dankie.

Oom Nico Zwarts vir jou navorsing en feite jag oor die geskiedenis van ons Elander bokkop, ek sou dit nie self kon doen nie.

Cobus Smit vir jou berig oor die Presidente Saamtrek en Voorsittersverslag. PS... volgende jaar hou ons sommer net 'n interne bingo of iets dergeliks, aangesien dit net Elandsrandlede was wat Jannie se musiekpret kom ondersteun het.

Vir almal wat brokkies Lief en Leed versaf het baie dankie. Kan ek weer vra dat julle vir my al die lief en leed nuus sal stuur, ons kan net plaas wat ons ontvang, en ons wil graag soveel moontlik Lief en Leed oordra.

Oom Lai en Hennie Swart vir die pragtige herdenkingsnuus, baie dankie. Elsabie Grobbelaar en Nenie Smit vir die "Elandvoer" resepte, baie dankie. Teresa Strydom, for # Funny Bunny, thanks...! 'n Spesiale dankie aan Alet Meyer en Sandra Swanepoel vir al die proeflees, julle spel die beste...!

Die "Wanted" raai-raai wie het geen korrekte antwoorde op gelewer nie en dus laat ons dit oorstaan vir hierdie uitgawe. Dit kan nie so moeilik wees nie mense, hier is 'n leidraad. (Wie is die blondekop rakkertjie? Sy kinders lyk net soos hy)

Laastens en ter afsluiting het die feeskomitee 'n kampwoordeboek op die agterblad beskikbaar gestel. Daar is soveel gesegdes en kampwoordjies onder ons, hoe kon ons nie? Stuur asseblief vir ons julle eie sêgoedjies en woordjies, sodat ons die FHKT kan uitbrei en met almal kan deel.

Daar is dit, uitgawe drie gedoen en klaar. My tyd by die redaksie staan nou einde se kant toe. Daar is nog een uitgawe en dan is ek vir eers klaar met nuusman speel. Ek hoop werkliek julle Elandsranders geniet die nuusbrief.

Arno Alberts arnoprvtmail@gmail.com



Mandjiedans

Fondsinsamelingsprojek vir Elandsrand 2017. Deur: Vlooи Swanepoel.

Dit is 1 April 2017, vir baie mense is dit Gekkedag, maar nie vir Elandsrand nie. Ons gaan partytjie hou laat die biesies bewe.

Elandsranders daag reeds vroeg op om tafels mooi te maak voordat vriende, familie en gaste opdaag. Almal is ook aangesê om soos "Superhero's" aan te trek en eie kos en alkoholiese versings saam te bring.

Daar was verskeie "spot" pryse gewees vir die mense wat fluks op die dansvloer baljaar het. Een van die hoogtepunte van die aand was die "hamper" wat uitgeleent is. Elzabie en een van haar gaste het baie fluks kaartjies gekoop, met die wenner, Elzabie se gas! Hy het onmiddellik die "hamper" teruggegee om opgeveil te word vir twee kindertjies wat ernstige oogsiektes het. Die geld is aangewend om vir toetse te betaal wat in Manchester (Engeland) gedoen moet word.

Werner word verras met 'n verjaarsdagkoek, "Batman" nogal, al het hy eers die 3de verjaar. Lekker groot partytjie wat hom nie



geld gekos het nie, dit is nou slimdink as jy my vra.

Mylandia het die saal vir ons gereël wat gratis gegee is deur Hoërskool Stoffberg. Ons wil baie dankie sê aan Koos Boshoff (Hoof) vir hulle bereidwilligheid.

Jannie en Alet het die musiek gemaak en was weereens puik. Elandsrand is baie gelukkig om hulle as lede te hê, want hulle is altyd bereid om te help. Jannie en Alet ons waardeer dit ongelooflik baie!


Die dans het aangehou tot na 12. Ons moes toe ongelukkig halt roep, aangesien ons die saal moes regkry vir Sondagoggend se kerkdiens wat in die saal gehou word. Almal het weer fluks ingespring om stoelle reg te pak, en dit het ons vir 'n oomblik teruggevat na die kongres verlede jaar. Nog iets wat Elandsrand besonder goed kan doen.

Elandsrand het weereens 'n baie suksesvolle fondsinsameling gehou, en daarvoor wil ons aan almal wat dit moontlik gemaak en bygedra het Baie Dankie sê!

"Cheers" tot volgende keer.



Niemand weet wie hierdie is nie?



"Ek het eenkeer vir die hele Elandsrand uit die Bybel uitgelees" Wie is ek?

Nog Mandjiedans foto's...



Advertisies

JAM Events



Sweetie Pie Cake's
and catering

Koeke vir enige geleentheid,
Trou koeke, Verjaarsdag
koeke, "Novelty cakes"
Onthaal "Platters"
Spyseniering vir
geleenthede, enige
spesifieke gebak, ens..



JAM Musiek

Musiek vir enige geleentheid,
Verjaarsdae, Verlovings, Troues,
Egskeidings, Karaoke's en Musiek
speletjies

JAM verhuring

Onthaal verhuring; Verhuring
van tafels, stoele, tafelhoeke,
eetgerei, dekor en versierings

Jannie Alet Meyer

082 462 7615 or 082 825 1211



Alberton
You need it? We have it



Caravans
Trailers
Camping Gear
Tents



Get TJM equipped
at our Safari Centre
AA Accreditation

JURGENS

SAFARI

Gypsey

Sprite

Sprite

The choice
of
4x4
Professionals!



GET UP AND GO
52 Holidays
per year

Sunseeker Caravans & Campworld Alberton
8 NANSEN PLACE* TULISA PARK * JOHANNESBURG
PO BOX 517* ALBERTON 1450

TEL: (011) 613 1303

www.sunseeker.co.za

The one stop for all your outdoor living

Advertensies

PROSTATE CANCER - ARE YOU PREPARED?



WHAT IS PROSTATE CANCER?

It is the most common cancer affecting the male reproductive system and is the second leading cause of death in males.

THE EFFECTS

Treatment may cause side effects that could result in your inability to earn an income.
Cancer may cause temporary or permanent disability.

50 AVERAGE AGE OF DIAGNOSIS

MORE THAN
4600
DIAGNOSED
EVERY YEAR

THE CAUSE

Diet, genetics and a family history of cancer increases the risk of being diagnosed.

PREVENTION

You may reduce your risk of prostate cancer by making healthy lifestyle choices.



THE FINANCIAL IMPLICATIONS

DIRECT COSTS



Medical aid and medical gap cover only pay for the direct costs when you fall ill or spend time in hospital. There may be sub limits and co-payments applicable to oncology treatment.

INDIRECT COSTS



- Rehabilitation expenses
- Alternative therapies
- Loss of income
- And more...

OTHER COSTS



1 OUT OF 2 PEOPLE WITH CANCER SUFFER FROM DEPRESSION

Treatment for depression can cost up to R50 000 per year.

GREENLIGHT'S SOLUTIONS

DESIGNED TO REDUCE THE FINANCIAL IMPACT SO THAT YOU CAN FOCUS ON FIGHTING BACK



DIAGNOSIS

Once you are diagnosed with prostate cancer and meet one of our cancer definitions we will pay out a tax-free lump sum.

TREATMENT

If you are unable to work while on treatment our disability income replacement benefits will pay out a monthly income.

DISABILITY

If cancer leaves you disabled we have a wide range of disability solutions that will pay out a monthly income and/or a tax free lump sum.

GREENLIGHT FOR BUSINESS

What will happen to your business should you, your partners or key individual be diagnosed with a severe illness? Will your business be financially prepared for the impact it may have?

KEY PERSON

Provides a lump sum to sustain the business until a suitable replacement can be found while the key person is recovering from a severe illness.

BUSINESS CONTINGENCY

Pays out a lump sum to settle the business debt. This will reduce the risk to the person who signed surety if they are diagnosed with a severe illness.

Gevreesde Siektes, en wat om te doen...?

Vir meer inligting oor lewens versekering, beplanning vir gevreesde siektes en wat OldMutual vir jou kan doen Kontak Willa Wolmarans op

Lief en Leed Vervolg ...



Dit was met groot skok en medelye wat ons verneem het dat Tannie Marlene Strydom, moeder en skoonmoeder van Cobus en Teresa Strydom op Sondag 19 Maart na 'n lang siekbed in die Hospital in Alberton oorlede is.

Graag wil ek namens Elandsrand ons innige simpatie en medelye aan Kobus, Teresa en Kathleen Strydom oordra en bid dat julle vertroosting in hierdie tyd van rou sal vind deur die genade van ons Here. As persoonlike huldeblyk aan Tannie Marlene, met wie ek die vooreg gehad het om die Tuusblyerskamp op Klipdraai oor Desember te kon deel, plaas ek hierdie woorde geskryf deur Koos Du Plessis.

Groet Sonder Woorde

*Laat ons nie praat nie, die tyd is verby,
niemand is kwaad nie en albei is vry.*

*Kom kyk deur die ruite, die nag staan in blom,
woorde hoort buite, want hartseer is stom.*

*Lê jou kop hier teen my skouer
laat jou hart sy paaie gaan
stilweg word ons wys en ouer
eendag sal ons dalk verstaan.*

*Maar tot die ryp kraak onder skoene
wat geen ander haard of tuiskoms ken
gun ek my nog visioene
van een wat die hele wêrelde wen.*

*Jy hoor my nie meer nie, ek sê maar totsiens
Ek sal jou nie steur nie, ek loop ongesiens,
want jy is in oorde waar drome nog blom,
ek groet sonder woorde, want hartseer is stom.*

*En jy is in oorde waar drome nog blom,
ek groet sonder woorde, want hartseer is stom*



Deur Arno Alberts

Jessica van Zyl:

Jessica het gedurende die atletiekseisoen ook baie goed presteer en deurgedring na die Alberton Kampioenskappe en ook deelgeneem aan die D6 Atletiek kompetisie. Nie net is sy 'n mooi gesiggy en slimkop met 'n hart van goud nie, maar sy kan vinnig hardloop ook.



Erica Alberts:



Hard work and dedication has paid- off for Erica Alberts in her first year of High School. Erica placed second in the top ten learners for the first term in grade 8 at Alberton High. She achieved an overall average of 86 % for all her subjects and recorded 92% in Sciences , 98% for EMS Business 90% for Accounting. Well done Erica! Keep working hard and stay dedicated.

Kaylie Schutte:

Kaylie Schutte het die Top 5 in Gr. 1, en Top 10 vir Fase 1 – 3 behaal gedurende die 1ste kwartaal. Baie geluk Kaylie en hou so aan!

Wikus & Tanya van Zyl:

Met die groot reën in Maart het Wikus en Tanya skade gelei nadat 'n massiewe wolkbreuk hulle "Bed and Breakfast" in 'n duikskool verander het. Ons hoop van harte die skade was nie te groot nie, en weet sommer julle gaan nie dat dit julle onderkry nie. Baie sterkte.





**Suid-Afrikaanse Woonwa-Assosiasie
South African Caravan Assosiation
Streek Elandsstrand / “Elandsstrand” Region**



Streek Elandsstrand Bestuur en Kontakbesonderhede

Voorsitter: Cobus Smit Kokerboomstraat 18 Brackendowns 1448 Huis: 011-868-2253 (huis) Sel: 083-638-0465 Faks: 011-615-3326
Epos: Cobuss69@yahoo.com

Onder Voorsitter: Gerhard Swanepoel (Vloo) Llandudno 7 Graaff Straat 98 Sonneveld Brakpan Sel: 083 234 4285
E-pos: gswanepoel210@yahoo.com

Skretareesse: Elzabie Nelson Adres: Abberley Gardens 6 Cambornestraat 51 New Redruth 1449 Huis: 011 907 0355 Werk: 011 761 9124
Sel: 082 338 8054 Faks: 086 682 8519
E-pos: Elzabie.Nelson@sanbs.org.za

Penningmeester: Werner Scholtz Van Der Walt Straat 12 Dalview 1541 Huis: 083 313 2393 Werk: 011 817 1402 Sel: 082 667 7327
Faks: 011 817 1846
E-pos: scholtzerner@gmail.com

Jeugleier: Derrick Nelson Adres: Abberley Gardens 6 Cambornestraat 51 New Redruth 1449 Huis: 011 907 0355 Werk: 011 761 9227
Sel: 082 877 8187
E-pos: Derrick.Nelson@sanbs.org.za

Skakelbeampte: Alet Meyer Posbus 434 Alberton 1715 Huis: 011 902 3860 Werk: 011 907 3212 Sel: 082 825 1211 Faks: 086 276 1892
E-pos: aletmeyer@vodamail.co.za

Redaksie: Tanya Schutte Coetzee Straat 23 Minnebron Brakpan 1541 Huis: 011 742 1177 Sel: 082 577 2226
E-pos: Tanyab.schutte@gmail.com

Bate Houer/Senior Burger Verteenwoordiger: Antonie Schutte Coetzee Straat 23 Minnebron Brakpan 1541 Huis: 011 742 1177
Sel: 072 255 2145
E-pos: Antonie.schutte@gmail.com

**S.A.W.A Nasionale Bestuur
Kontakbesonderhede**

Sawa Kantoor
Admin Beamppte: Juliana Knoetze
Telefoon: 011 918 0699
Faks: 088 011 918 0699
Epos: sawa@absamail.co.za
Adres: Posbus 15448, Impala Park,
1472

SAWA President
Nico Spaumer
Sel: 084 569 2106
Huis: 018 293 3960
Epos: nicosp@vodamail.co.za

Nasionale Voorsitter
Jurie Dreyer
Sel: 082 776 0128
Huis: 011 391 7388
Epos: jdreyer@absamail.co.za

Nasionale Ondervoorsitter
André Knoetze
Sel: 082 882 8102
Huis: 011 918 1020
Epos: andrepro@lantic.net

Nasionale Sekretaris
André Swanepoel
Sel: 082 779 3245
Huis: 017 634 4656
Epos: aenv.swanepoel@gmail.com

Nasionale Penningmeester
Wynand Theron
Sel: 082 881 7279
Huis: 012 332 4873
Epos: wynand.theron@avisfleets.co.za

Nasionale Skakelbeampte
Rudi Kleynhans
Sel: 083 789 0930
Epos: rudi.kleynhans@nac.co.za

Nuusbrief Redakteur
Mariaan Erasmus
Sel: 082 890 2019
Epos: erasmums@gmail.com

Webwerf
Diana Fourie
Sel: 082 940 2612
Epos: sawa.saca@gmail.com



Redaksie

Tanya Schutte 082 577 2226
Tanyab.schutte@gmail.com

Arno Alberts 071 575 5580
arnopvtmail@gmail.com

Die Elander word uitgegee deur Elandsstrandstreek van die SA Woonwa-Assosiasie. Plasings van berigte, artikels of enige ander bydrae of advertensies impliseer nie noodwendig die standpunt van SAWA nie. Kommentaar en ander redaksionele artikels word deur die redakteur verantwoord.

Hierdie publikasie behoort aan SAWA Streek Elandsrand, die Elander Redaksie en enige gekrediteerde, persone, oueurs, grafiese kunstenaars en fotograwe wie se werk hierin mag voorkom. Alle kopiereg en duplisering van hierdie werk word voorbehou. Geen deel, uittreksel, fotografiese materiaal of grafiese elemente in hierdie publikasie mag in enige vorm geduplikeer word sonder skriftelike toestemming van die Redaksie nie.

Rig asseblief alle korrespondensies, navrae en bydraes aan die redakteurs.

Besoek ons op Facebook

<https://www.facebook.com/groups/424687670923259/>

Elanderblogg

<https://elanderblog.wordpress.com/>

Die Elander

Nuusbrief vir S.A.W.A Streek Elandsrand Boksburg & Alberton



FHKT

(Feeskomitee Handwoordeboek vir Kamptaal)

Deur Arno Alberts.

urtel (sê uhr-til) naamwoord (**urtels, urtel-tjie**) adolescent boy child. Tienersoen, jong seun/man. • Waar is my **urtels**, hulle moet die tent opstaan. *He is looking for his sons, they must erect a tent.* • My **urtel** vreet my uit die huis uit. *His young boy consumes fast quantities of food on a daily basis.*

bees (sê bhee-s) naamwoord (**beeste, beesie, ou bees, beeselina** [vroulike vorm] person or individual, mostly adult male. 'n Persoon, gewoonlik manlik. • Goeie more, my naam is **bees**. *Take note, people around here call's him bees.* • Geagte **beeste** en **beeselinas**. Dear ladys and gentleman. • Hi **bees!** Kom help my gou bietjie hier. *He can not remember your name but needs your help for something.*

choppa (sê theop-pha) naamwoord (**chop, chopper, choppa's, choppina** [vroulike vorm] **choppertjies**) can literaly be any person living or dead. 'n Mede kamper/ vriend, vriendin, maat of kennis. • Wat doen julle vir "breakfast" **choppa?** *Hi, what are you planing for brunch, i am to lazy to go wash my payellapan.* • Wat wil julle **choppinas** drink? *He is compeled by social norm to pour the ladies a drink, but is hoping they will decline the offer.*

rakefaan (sê raheah-fahn) naamwoord (**rakefane, rakefaanje**) motorhome, caravan, karavaan, woonwa, naweek tuiste. • Waar is jou nuwe **rakefaan?** *He is inquiring over the whereabouts of a rediquisly expensive motorhome for reasons of admiration and or jealousy.*

brêkie (sê brhe-key) naamwoord (**brêkies**) breakfast, brunch, ontbyt, begin maal van die dag. • Ons doen worsies vir **brêkie** vamore. *He is cooking some or other cheap sausage for breakfast..* • Ek gaan nou-nou 'n **brêkie** bou. *As soon as his hangover has stablized he wil feed his childeren.*

vriengin (say freen-jhin) naamwoord (**vriengine**) female drinking accosiates, sisters in arms, bestie's. Drinke-suster, vroulike kameraad, maatjie, "chopelina". • Waar is my **vriengin**? *She is searching for her intoxicated female friend.* • My **friengine** en ek is nou verveeld. Guy's! Lets do something! • Gooi vir my en my **friengin** 'n drankie asseblief. Pukker up boys its going to be a long night.

skal (say shk-aal) naamwoord (**skal**) scandinavian toasting word, c.1600, from Danish *skaal* "a **toast**," literally "bowl, cup," from Old Norse *skal*, bowl, drinking vessel. Niemand weet nie, dit is die een of ander Noorse cheers of iets wat Jannie Meyer gewoonlik sê net voor hy wyn drink. • **skal...!** *The man shouted some obscure phrase and you are now requered to take a sip from your glass.*

katvis (sê khat-phis) naamwoord (**katvis, katvisse**) *<literaly; catfish> male companion, or regular fried, one of the boys.* Manlike metgesel, gerealde kennis, een van die manne. • Hi **katvis!** hoe lyk dinge da by jou. *Hello friend, how much salary have you got left.* • **Katvis**, laat ek nou vir jou vertel. *Pay attention friend, I am slosched an about to convey a dragged out anecdote of no significance.*

drwangkie (sê draun-key) naamwoord (**drwank, drwankies**) *a drink, 25ml of spirit alchohol. Sopie, dop, drankie, vervesing.* • Gee vir my 'n **drwangkie** asseblief. She needs to rehydrate, and requests a sustenance aid offermented sugars. • Kan ek vir julle **drwankies** gooi. Ok, she is not drinking alone and is sacrificing her stash of liquor... but expects this favour to be returned later during the evening.

Branna (sê brhua-nha) naamwoord (**branna, brannas, brannatjie**) *brandy & Coke Cola , [literally] distilled wine mixed with cola, or derivative at a 70/30% ratio. Brandewyn en kouk {Suid Afrikaanse Nasionale Dop} [letterlik gedistilleerde wyn.]* • Het jy **brannas**? *My supply of the local alcoholic drink is finished and I need some more please..* • **branna** het nie briek nie." Cousin! Drinking this stuff will make you go monkey-style speedily.

wipskie (sê whip-ski) naamwoord (**wipskie, wipskies**) *wiskey or whisky, alternative to brandy.* nie branna nie, 'n ander sort dop/goedkoop weergawe van



Jameson • Ek het vir jou 'n **wipskie**, soek jy een? *I have a lot of this stuff, and could you help me finish it please.* • Ek verkies **wipskies**. Everybody in this country drinks brandy, I thought I'd be different!

kakaa (sê kha-khaa) omni-woord (**kakaa**) all inclusive wonder word (see variations below.) Als omvattende wonder-woord (sien variasies hier onder)

kakaa – kakaa Ek hoor jou en is oppad (hier kan jy selfs vinniger loop of hardloop en arms op en af swaai soos vlerke)

whala phaka Dis nou besonder lekker/ jy is nou baie gelukkig

wha-la pha-ka (met n frons of dowwe staar op jou gesig) = huh of wat ?

wha-la phaka (verbaasde uitdrukking op jou gesig) Kan jy dit glo ?

wha-laphaka (is jy op dieselfde bladsy as die wat die storie vertel of moet hy/sy stadiger praat) (weer met die frons of dowwe staar)

whala phakaka (Nou kom die kind uit die groot mense en almal dink hulle is 21 jaar oud)

whala phakaki (Nou ruk ons hand uit)

wha-la pha –kaki (Stadig boys ons moet rustig raak)

kaka pala? ("sorry om te hoor / slechte nuus.

Zamalek (sê zzaa-maa-lek) naamwoord

"Black Label Bier" AKA *soweto pepsie* • 'n Zamalek vir brekfis vir jou. *I am to lazy to make you coffee will a cheap local beer be acceptable for now?*

